

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 28. Quomodo Christus Dominus illi revelaverit purissimam
Conceptionem suæ Sanctissimæ Matris.

urn:nbn:de:hbz:466:1-38580

præ extremâ unctione, eò quod d'ere pente fu-
erit dimorū à mōrione, postridie finito Sacri-
ficio Missæ solenni, quod pro eo fuerit celebra-
tum, vidit ipsum concordem Cælum, &
cinctum Angelis, & sanctum Patrem No-
strum illi venientem obviā. In ejus in-
gressu videbatur totum Cælum commoveri
præ gaudio, ut hinc patet verum esse, quod

dicit satra Scriptura: Justus, si morte præ-
occupatus fuerit (repentim) in refrigerio
erit. Omittit multos alios, quos vidi prius
in Purgatorio, & agnoscit, ac deinde adja-
tos suis orationibus & suffragijs conspexit a-
scendentes ad cælum.

* * *

(æ) (æ)

CAPUT XXVIII.

Quomodo Christus Dominus illi revelaverit purif-
simam Conceptionem suæ Sanctissimæ Matris.

Reservavi pro fine hujus
Quarti libri speciales re-
velationes, quas Venem-
bilis Maria habuit de Pu-
rissima Conceptione D E I.
pare Virginis, immuni à
peccato originali, qualem fuisse suo testimo-
nio comprobaverunt illustrissimi Sancti, ut
memoratum est. Incepérunt haec revelationes in Decembri anni 1616. occasione tunc
innovata Vallisoleti & in universa Hispania
prorsus inustata de devotionis ad celebran-
dum hujus mysterij Festum, cui illi semper
fuit addictissima. Et quia multæ sunt de-
ce revelationes, adferemus solum precipuas,
propè ipsiusmet verbis, pratermissis nonnul-
lis, que illi semper eveniebant in ejusmodi
casibus, vel concernunt alia diversa my-
steria.

§. I.

Cum, inquit, biduo vel triduo ingens
gaudium perciperem ex devotione,
quâ colebatur Intemeratissima Conceptionis
Beatissimæ Virginis, aliquando manœ ve-
nit mihi in mentem quædam hujus argu-
menti cogitatio, seu ratiocinatio, in qua
ita hæsi immersa & abrepta, ut quasi inci-
rem cujusnam illa esset, meane, an D E I;
sed continuo adverte, quod me Divina
Majestas alloqueretur, ac diceret: In quo
ex his duobus, quæ proponam, major fa-
vor exhiberetur & gratia cuiquam Principi

Filiæ magni Regis? an si hic bene illi vo-
lens, eam præter morem vestiret, atque
exornaret venustissimè, hoc verò factò,
ipsam sineret abire, quocunque illam ca-
sus deduceret: atque si, ubi eadem Prin-
ceps abiens, lapsa fuisset in aliquo non ni-
hil diffcili transitu, sèque commaculavis-
set, tum Pater ejus ex amore, quo ipsam
prosequeretur, cernens afflictam ac gemé-
tem, illi blandiretur, eamque pacaret, di-
cendo: Noli affligi, filia mea dilectissima,
propter maculam tuæ vestis, ego enim tibi
dabo aliam, istâ elegantiorem; jubaretq;
illam subito exui eâ ueste maculatâ, & in-
dui alia elegantiore & pretiosiore? an ve-
rò, si idem Rex hanc suam filiam adeò di-
lectam, postquam illam vestivisset, & ve-
nustè ac admirabiliter exornavisset gem-
mis, apprehensâ ejus manu, sublatam in
sua brachia ferret, ac traduceret per illum
difficilem & periculostum locum, nè ibi ca-
deret, sèque defædaret? Dic jam, quo ex
his duobus tibi à me dictis modis existimas
majorem favorem & gratiam à Rege præ-
standam suæ filiæ? Intellecto ac percepto
hoc discursu, respondi: Existimo, mi Do-
mine, absque dubio fore majorem gratiâ,
quam Rex præstaret suæ filiæ, si ipsam ma-
nu duceret, ferretque in suis brachijs, di-
tatam à se & exornatam gemmis, nè cade-
ret, sèque macularet, quâm si lapsam ac
defœdatam rursum vestiret, ac denuò or-
naret. Bene est, dixit Dominus, bene est.
Sed subiit deinde ea mentem meam cogi-
tatio,

CAPUT

tatio, quomodo ista comparatio Regis, qui tam splendide exornaret suam filiam, quæ postea cecidisset, sèque maculavisset, adaptari posset sanctissimæ Virginis, eo quod ipsa non fuerit exornata, neque haberit ulla merita, antequam esset. Dixi id Domino, & Divina Majestas mihi respondit: Bona est comparatio: quia ego in mea æternitate, & in mente mea Divina, istam creaturam elegi in meam Matrem, ipsamque prædestinavi, & in mea prædestinatione jam inde exitit, modo à me explicato. Paulò post confexi duas nubeculas, unam candidam & pulchram, & alteram veluti fuscum, à qua erat quasi obumbranda prior, sed Dominus ipsam detinuit. Et intellixi primam fuisse corpusculum recens formatum Virginis, alteram verò culpam originalem, quæ illud erat occupatura, sed esse inhibitā à DEO.

§. II.

Hanc eandem veritatem confirmavit alia vice Beatissima Virgo, declarando, quid ex semet ipsa haberet. Dum, inquit, Dominum, & ejus Matrem quam instantissimè rogarem, ut felicem sortiretur exitum hoc negotium (in Decembri anni 1617.) alloquuta me est, significando mihi, me id bene ac rationabiliter petere à Domino, & dixit: Amica mea, ego non nego, sed fateor, me esse filiam meorum Parentum: Verum noveris, Dominum Majestatis ex mera sua bonitate & clemētia mihi præstítisse eam gratiam & misericordiam, ut me præservaleret à lapsu peccati originalis, id quod fuerat ab æterno de-

cretum in Consistorio Sanctissimæ Trinitatis, ibidemque erat constitutum, ut Virgo, in qua Verbum Divinum erat assumptum Carnem humanam, esset purissima & mundissima ab omni macula, & immunis à nœvo peccati originalis. Atque hoc est certissimum.

Alio die (in Aprili anni 1618.) cùm post sacram CommunioneM DEUM orarem, ut hanc veritatem illustraret, respondit Divina Majestas: Nonne vides? Nunquid enim mihi erat assūmenda caro ex feminâ, quæ fuisset maculata peccato? indicando, id non fuisse conveniens infinitæ ipsius Bonitati.

Alio die illi dixit Sanctissima Virgo, a gens de hoc mysterio: Scias velim, pluris à me fieri gratiam, quod non fuerim vel per momentum subdita peccato, & inimica DEI, quam quod sim ab eo assūpta in Matrem.

Hoc & idē Divina Virgo asseruit, ut agnosceremus, quam sit detestabile, nos vivere destitutos gratiâ DEI, & esse ipsius hostes vel unico momento. Neque exiguum hujus rei indicium est, falsa insultatio diaboli, dicentis isti famula DEI aliquando cum incredibili rabi: Ista, quam vos adoratis, fuit prius mea, quam vestra; quia Pater mendacij conabatur hac falsitate illâ affligere. Et cùm eo tempore sentires terribiles cruciatus, dixit ad Dominum: Unde mihi, Domine, advenit tantum malum? qui respondit, provenire illud à diabolo acto in me ob id, quod fiebat pro honoranda sanctissima ejus Matre.



CAPUT